

• luogo era el principio cum el popolo e fenida la pugna e cruda
 • bataia suxo la piazza e sconfitto el dito mis. bajamonte el qual
 • scampa e si no torna minga per marzaria temando el mal i saria
 • intervegnudo, scampo dal ponte dei dadi via. El serenissimo mis.
 • lo doxe e tutta la signoria volse saver e veder chi jera questa
 • dona a la qual sola haveva basta l'animo de voler amazzar uno si
 • grando homo fio de doxe, fio de un altro doxe de veniexia, homo
 • de tanto gran seguito e de tanta reputation, che la mita de ve-
 • niexia el seguiva, e faxela vegnir a la soa presentia e laudo la
 • virtu soa e che la dimandasse quella gratia la volesse. E lie ri-
 • sponse subito, che quello l' haveva fatto non l'aveva fatto per pre-
 • mio ne per mercede, ma come venetiana per amor de la excelsa
 • signoria. Ben pregava, che i signor procuratori de m. san Marco
 • in le chaxe di qual la stava e in botega non li aeresesse più fito a
 • lie et a so fie. et el serenissimo principio aldando tal honesta diman-
 • da de dona. li rispose. Non solo a ti e to fie ma a quanti insira de
 • ti e de quelle fina che mai ne sera semenza in veniexia non li
 • sera acressudo el fito. et a queste parole fo presente tutta la exel-
 • lentissima signoria e tutto el puovolo. Et mis. lo procurat. de
 • san marco el qual jera la presente laudo e confermo e promesse
 • e cussi dal 1510 fina al 1436 sempre de parente in parente mai
 • tal chaxa e botega non e stada acressuda e tal gratia e don e
 • stada in el parentado nostro uno honorevole beneficio che quello
 • del parentado ha voiudo la botega tuti de grado in grado la
 • havuda e siando mi Nicolo in larmada con mis. Iacomo Loredan
 • mia ameda morite et i procuratori affitto la botega e la chaxa.
 • Io lo domandada. me respondeno mostra scriptura. Io li provo
 • questa verità per do prove più potente e più vere che per scri-
 • ptura de noder. prima per tuto el popolo de veniexia i qual tuti
 • grandi, mezani e piccoli uno ore dicono. Scimus hoc et patres
 • nostri annuntiauerunt nobis che una femena buto un mortar sul
 • cavo de mis. Baiamonte tiepolo. La segonda prova e che per i
 • libri de la procuratia tute chaxe e botege son sta acressude